

周
莊
鎮
志

周莊鎮志卷五

里人陶煦重輯

列女

徐氏名慕貞梓女也年二十適郡城夏侯橋管正偁不苟言笑動必以禮正偁怠勸之以勤學正偁貧佐之以紡績賢明貞順靡德不備閱四年正偁以小試不利抑鬱成疾而歿氏哭之慟誓以身殉至終七日從容祭奠畢乃登樓焚香誦經遣婢淪茗遂自經死時康熙十七年臘月二日也郡守林公給獎曰成仁正氣一時名公鉅卿如尤侗汪琬蔣伊彭瓏諸人均以詩文輓之今其遺冊猶藏於煦家

事載府志而未詳請旌之年

徐氏偲女青浦庠生李思王妻也康熙二十二年思王入贅徐

氏成婚甫一月歸里省親遇疾暴卒氏徒跣奔喪撫屍大慟欲從死翁姑給以及秋營葬後任自爲計氏領之已而自經於柩側以家人救得蘇後又欲自盡人勸止之旋因母病歸奉湯藥母愈遂不食五日而卒氏少失怙事母孝女工之暇課幼弟讀書至其節烈尤卓卓可傳云

擬乘載見青浦學呈冊按縣志未載

費氏庠生夏如妹吳江龐雲衢繼妻年二十四夫亡無子視含殮畢取厨刀自刎身立不仆移時面色如生康熙庚子三月十二日也邑令葉公嘉其志率屬吏親往拜之同邑計默爲

作傳雍正五年題

旌建祠

事載府志

郁氏蔡日章妻年二十一而嫁閱五年夫亡生子僅朞月勵節

撫孤未幾遭回祿家業蕩然舅姑老病氏勤紡織以養生事

死葬儉能中禮守節三十餘年雍正十年題

旌事載元和縣志

徐氏陳佩玉妻年十八歸於陳四載而寡上事孀姑下撫嗣子

三十餘年如一日郡守獎以額曰孝慈完節雍正十一年題

旌

按佩玉名樹琳而府志及元和縣志俱誤分爲二人

孫氏沈應祥妻雍正十三年以節孝題 旌建坊在城隍廟後

馬氏陶學詩妻年二十八而學詩歿紡織佐食撫子仁趾成立

爲娶媳于氏甫抱孫而仁趾亦歿于氏善承家法冰擘共守

二十年迨孫有室而于氏又歿馬氏乃操家事十餘年年七

十八卒境苦節堅人悲其遇二氏俱乾隆五年題

旌事載元和

縣志

湯氏方瑞華妻乾隆四年以節孝題 旌建坊在北印村東墓

前

陸氏俞世瑄妻金氏盱眙縣教諭陶岷思妾乾隆五年俱以節

孝題 旌陸氏建坊在世德橋北

凌氏陳素臣妻年十八嫁二十夫亡既而嗣子又夭無可繼者

艱辛萬狀百折不回晚歲益貧困依其族姪卒於郡城守節

四十餘年乾隆六年題 旌

章氏顯聞女年十八適蘆墟周彩若時彩若已染瘵疾氏謹爲
調護閱一載而歿紡織以養舅姑舅姑歿遂居母家益自勤

苦寸累銖積並舉三喪又力請宗黨爲夫嗣子嗣子定恩勤
撫教迄於成立守節五十九年吳縣嚴師厚爲作傳乾隆六
年題 旌 事載元和縣志同治七年吳江又請旌

吳氏陸鶴翔妻沈氏朱聖一妻徐氏迕君常妻乾隆六年俱以
節孝題 旌吳氏建坊在楊家潭西

徐氏陳天儀妻夫亡無子姑疾病暑不揮蚊侍立中夜及歿哀
毀盡禮撫嗣子成立時歸奉母氏亦以孝聞乾隆七年題
旌

沈氏徐鴻傳妻年二十二夫亡慟哭誓不欲生成黨勸止逾年
姑歿毀瘠幾至滅性撫嗣子秉鉞未成立而天又撫其弟秉

鎰教養兼盡乾隆七年題 旌守節已閱五十年建坊在永

慶庵南

盧氏柳丕緒妻金氏費誠所繼妻乾隆七年俱以節孝題 旌

擬乘作費誠所妻無
繼字今從府志改正

潘氏朱建侯妻乾隆八年以節孝題 旌

朱氏徐椽妻廷氏徐機妻娣姒雙節俱乾隆九年題 旌擬乘
椽作

筆與機作樂天陳勰增輯時并下
許氏徐深公妻等五節婦俱遺脫

朱氏韓爾卿妻乾隆十年以節孝題 旌建坊在北許村西北

墓前

徐氏戴松年妻年未三十而夫亡所遺逋負親友憐其貧苦欲

捐之氏不許十指經營不辭勞瘁數年間盡償所負撫孤志
磨成立年六十餘卒誠女中丈夫也乾隆十一年題 旌

鄧氏金懋修妻早歲夫亡子又夭依母氏長齋縞素二十餘年
如一日矢志葬夫未遂而卒乾隆十一年題 旌

許氏徐深公妻戴氏徐仙劉妻楊氏徐子明妻一門節孝俱乾
隆十三年題 旌

潘氏吳江海峯妹徐道廣聘妻乾隆十六年道廣歿於廣西藩
署六月赴至氏卽投繯自盡夫家迎其柩合葬焉乾隆十六

年題

旌 府志載見長元節孝祠廣本
作光同治七年又請 旌

顧氏名步字佩薇白號定閣女史徐舜庭妻父名青浦姚斷村

人氏早寡守節孤子尋殤未幾亦卒悲思菀結一發於詩著有絮愁集道光十四年題 旌

邱氏戴渭臣妻渭臣係鎬子嗣長庠生之倣爲後染危疾醫藥罔效氏曰古人割臂療親夫猶天也逞惜寸膚耶遂割以進病旋愈逾年仍歿氏年二十九織席營生撫孤子桂成立後桂亦割股療母疾事載人物同治七年題 旌

施氏徐臨滄妻年三十夫亡子桂林生僅九月教養成名入泮爲長庠生氏事姑盡孝姑歿哭泣不已致兩目失明守節三十五年康熙庚子解元施陞錦氏從父也爲作傳王氏徐滄妻年二十二夫亡氏欲投井家人力防得不死撫嗣子成立

守節四十二年氏與施氏爲妯娌里中稱雙節焉同治七年

題旌

楊氏陸穎思妻楊氏馮旭旦妻係同胞姊妹夫皆早世陸撫嗣

子馮撫遺腹子青年守志白首同貞俱同治七年題旌二氏

及下金氏馬氏亦爲
陳總增輯所遺脫

金氏陶廣遠妻父在田家小康而廣遠則赤貧兼染瘵疾翁念
祖亦常在牀褥氏侍奉湯藥奩資旣盡藉女工以供翁與夫
甘旨不少闕恆自忍飢絕無怨色年四十而卒其後翁每對
人稱婦孝輒泫泫淚下同治七年題旌

馬氏徐玉書繼妻年十九夫亡撫孤子及夫前妻子慈愛無二

俱得成立守節三十八年同治七年題 旌

朱氏鍾季妻居銀子浜幼爲養媳事翁姑以孝聞姑盲性暴稍不遂輒詬詈氏奉命惟謹有小姑贅壻在家氏執爨以供無怠姑歿厝柩田間日往哭之里中稱爲孝婦徐桂芳爲作傳同治七年題 旌

諸氏徐煥章妻年三十夫亡家在市巾日常閉戶雖至戚叩之必問其故而後啟藉女工撫育子女茹苦含辛無愁歎聲守節五十四年同治七年題 旌

計氏陳天明妻年十九嫁天明本瞽者業星卜成婚一載而歿氏長齋奉佛貧苦自持撫嗣子成立衣食粗足守節四十八

年同治七年題 旌

張氏女父志遠一日女獨在家鄰有惡少姚姓乘間往挑之女正色以拒不去遂大聲疾呼鄰里紛至乃遁父歸嗚之官官以姦未成枷責釋放姚揚言姦已成以污女女聞羞忿交集投繯死雖爰書再定而獎卹未遑哀哉至同治七年始以貞

烈題 旌

張氏金大觀妻晉岳女金係農夫成婚一載而歿翁姑欲嫁之得賞以娶次媳屢勸氏不從姑曰若不從將以妻叔矣氏卽於是夜自經死同治七年題 旌

廷氏女沈家蕩村沈某聘妻年十九而沈亡呼天搶地誓欲奔

喪乃往持木主成禮三年不見齒終身不窺鏡上奉姑婢下
撫嗣子人無間言卒年八十四守貞六十六年同治七年題

旌

廷氏吳省傳妻夫歿欲殉親族以姑在勸止之不十日而姑亦
歿氏料理喪事畢卽自經死時道光十一年也同治七年題
旌

嚴氏陳嘉美妻年三十夫亡撫孤成立守節三十六年同治七
年題 旌

朱氏恆才女蘆墟顧佩珩妻年二十八夫亡撫嗣子成立守節
三十八年同治七年題 旌

馬氏姚大業妻

吳江縣續志
誤作馮氏

年二十五夫亡十指經營撫孤成

立守節四十一年同治七年題 旌

沈氏沈開業妻年二十一夫亡守節四十六年同治七年題

旌

陳氏監生沈咸熙繼妻年二十三夫亡守節四十三年陳氏之

孫女沈氏維垣女適蘆墟監生陳應貞年二十九夫亡越七

十九日葬畢服毒死時咸豐七年四月二十一日也俱同治

七年題 旌

吳氏庠生唐燿妻年二十五夫亡守節五十一年吳氏之媳柳

氏唐際泰妻年二十九夫亡事姑盡孝撫孤懋祿成立守節

三十六年吳氏之孫媳章氏孺童唐鍾妻年二十七夫亡生

子僅五十三日撫養成立侍奉翁姑喪葬盡禮守節三十一

年柳氏之媳費氏唐懋祿妻年二十六夫亡現年四十六已

守節二十一年俱同治七年題

旌生存節婦之年俱從詳請原冊下同

楊氏庠生諸邦達妻年二十九夫亡孝事翁姑撫孤宗城成立

守節五十一年楊氏之娣唐氏諸半樵妻年三十夫亡現年

六十二已守節三十三年楊氏之媳錢氏諸宗城妻年二十

五夫亡現年五十九已守節三十五年俱同治七年題 旌

張氏秦啟祥妻成婚甫一年年十七夫亡事孀姑孝撫孤壽怡

成立現年六十一已守節四十五年張氏之媳施氏秦壽怡

妻年二十四夫亡上奉祖姑及姑下撫孤子現年四十七已
守節二十四年俱同治七年題 旌

沈氏監生凌雲妻年二十七夫亡現年六十七已守節四十一
年江氏李企堂妻年二十夫亡現年六十二已守節四十三
年葉氏沈在鎔妻年二十九夫亡現年五十二已守節二十
四年謝氏徐邦壘妻年二十二夫亡現年四十四已守節二
十三年四氏俱同治七年題 旌

嚴氏庠生徐汝斌妻年二十五夫亡撫嗣子楷成立守節四十
六年嚴氏之媳戴氏徐楷妻年二十四夫亡撫嗣子勳成立
守節三十八年俱同治八年題 旌

張氏庠生章履泰繼妻年二十四夫亡撫孤成立守節三十四年于氏章南勤妻年二十八夫亡撫孤成立守節二十二年王氏章紫宿妻年二十三生子僅八月而夫亡藉紡織以撫育迨娶婦生孫而子婦相繼又亡乃復撫兩孫艱苦萬狀遂致失明守節四十七年一門三氏俱同治八年題 旌

謝氏金佩千妻年二十七夫亡撫嗣子殷傳成立而歿復以姪永福兼祧爲之婚娶守節四十五年謝氏之弟陳氏金保宗繼妻年二十二成婚五月而夫亡撫孤永福成立未幾永福歿復與寡媳廷氏撫其孫芬將成立矣陳氏現年五十二已守節三十一年俱同治八年題 旌

費氏謝士珍妻本崑山之葛畝人年二十五夫亡家貧備工度日撫孤成立五十後目盲乃長齋奉佛踰年目復明現年六十已守節三十六年同治八年題 旌

徐氏淑姑楚翹女同治元年粵賊之難避居鎮西之西蒲塘九月七日南路賊猝至將被執遂赴水死時年二十二報入忠義局第八案彙奏奉 旨旌卹

陸氏青浦庠生馮時昌妻年二十九夫亡守節十一年陸氏之姊薛氏馮時若妻年二十三夫亡現年四十八已守節二十六年俱同治九年題 旌

胡氏張佩蘭妻年二十九夫亡撫孤成立守節五十七年同治

十年題 旌

凌氏郁鴻文妻年二十三夫亡撫嗣子福成至十三歲忽病殤
氏卽仰藥死時同治二年五月二十八日也守節已閱十年
光緒六年夏學使同善給獎曰烈行芳徽

蔡氏龐驥妻年十九夫亡守節四十六年同治七年題 旌
元和

縣繆浜村人載
擬乘陳總遺脫

王氏韓秉質妻年二十夫亡遺孤僅六十八日教養成立年四
十一病歿曰吾可以下報夫君矣雍正三年以新例題 旌

建木坊在宅前
以下十一氏
韓鎮村人

吳氏韓祖培妻年二十八夫亡所遺一子二女撫育訓誨倍極

劬勞守節三十三年乾隆二年題 旌建坊在宅前

蔣氏朱世英繼妻年二十七夫亡守節四十二年乾隆九年題

旌蔣氏之姊韓氏朱世顯妻年十九夫亡守節四十三年

同治七年題

旌

二氏及下繆氏謝氏周氏五節婦載擬乘亦爲陳總遺脫

諸氏監生韓蓮妻嘉慶十五年以節孝題 旌建坊在秀王浜

東墓前

繆氏袁節妻節得廢疾足不能行身不離垢兩家俱願退婚氏曰一女可二字耶乃歸袁旣成婚卽爲洗滌遺穢敬供飲食未及一載而夫亡縞素長齋撫嗣終老鄉里稱貞節者氏居首焉同治七年題 旌

謝氏吳在明妻年二十八夫亡守節三十一年周氏繆允成妻
年二十六夫亡守節二十二年俱同治七年題 旌

韓氏張明宇妻年二十五夫亡貧苦自持撫孤成立守節四十
一年韓氏之嗣孫媿潘氏張銘昭妻年二十二夫亡無子家
益貧傭工度日守節三十四年俱同治七年題 旌

陸氏戴憲文妻年二十八夫亡撫二子成立守節二十九年同
治七年題 旌

周氏女郭香聘妻未嫁而夫亡氏欲往視殮曰得一見死者而
我願畢矣父不許潛以配人氏知之卽自縊鄉愚不知貞烈
爲何如事幾泯焉無聞擬乘傷之至同治七年始題 旌

以下

十氏祈
莊村人

高氏郭萬象妻年二十四夫亡守節五十九年高氏之姊懷氏
郭萬幾妻年二十六夫亡守節五十年俱同治七年題 旌

二氏至下嚴氏五節婦擬
乘載之亦爲陳綱遺脫

高氏周伯華妻年二十八夫亡守節三十五年陸氏陳繼秀妻
年十九夫亡守節六十年俱同治七年題 旌

嚴氏姚繼福妻年二十七夫亡撫嗣子旋殤夫弟亦無子氏爲
納妾以待育嗣守節二十六年同治七年題 旌

陸氏周岐山妻年三十夫亡有惡少以利誘之不從復欲強逼
岐山故業梓人氏持梓人斧逐之乃遁去撫三子成立守節

三十二年同治七年題 旌

鄭氏張壽妻年二十九夫亡身親稼穡未嘗與人言笑守節二十三年同治七年題 旌

夏氏陳喻先妻幼爲養媳姑虐日加鞭扑無怨言年二十八夫亡子尚幼夫兄利其田產百計逼嫁氏堅守不移氏兄士誠訟之官乃止守節二十五年同治七年題 旌

吳氏高瑞東妻年二十六夫亡生二女家貧紡織度日或以微言動之氏曰吾與吾母同志耳何用多言氏母家韓鎮其母卽吳在明妻謝氏也守節十九年同治七年題 旌

朱氏呂惠妻年十七成婚僅六月而夫亡守節五十四年同治

七年題

旌

東田壯村人戰擬
乘亦爲陳繩遺脫

李氏楊茂林妻雍正十三年以節孝題旌建坊在宅前

以下四
氏張家

港村
人

張氏女儒童朱涵光聘妻年及笄涵光死父母無子欲令女改
適女不從事親二十餘年立族弟長者爲父後親歿經營喪
葬年六十餘而卒可謂貞孝兩全矣乾隆六年題 旌

沈氏張聖武妻王氏朱振玉妻乾隆六年俱以節孝題 旌

費氏女懷天慕聘妻將婚而夫亡女欲奔喪父不許欲自盡防
之密不果後聞父欲爲之別配遂投繯死女母舅葉林甫爲
送柩至天基家設祭饗之俾合葬焉邑尊獎以額同治七年

題

旌

以下二氏許家港村人

朱氏費雲昇妻年二十八夫亡有鄰媪勸其嫁氏持媪臂痛毆之自是人不復言守節二十四年同治七年題 旌

楊氏蔣爾翀妻年十九嫁二十夫亡撫孤成立孤歿後與寡媳

撫其嗣孫守節五十五年同治十年題

旌

龍亭村人

顧氏朱確成妻與韓鎮蔣氏韓氏爲從娣姒年二十五夫亡守

節三十九年同治七年題

旌

以下四氏西宅港村人村南郎龍亭

林氏陸子來妻年二十四夫亡無子翁聽繼姑言欲令改嫁氏

堅執不從而侍奉加謹翁姑歿力營喪葬守節六十年諸氏

陸益齡妻年二十五夫亡撫孤宏疇宏謨教養兼盡得以成

立守節二十五年孫氏陸啟周妻年三十夫亡守節二十八
年俱同治七年題 旌

黃氏蔣建勳繼妻年二十六夫亡辛苦持家撫嗣子成立現年
五十四已守節二十九年同治八年題 旌

東管
村人

顧氏諸本侯繼妻子歸時翁姑已歿以未及侍奉爲憾事繼姑
孝年三十夫亡營葬翁姑及夫與夫前妻四柩撫養前妻二
子與己生二子無異晝夜操作澹泊自甘守節三十七年徐
氏諸玉書妻事嗣姑與本生翁姑皆以孝稱年二十七夫亡
遺二子長僅三齡次未及朞月家貧紡織度日饔飧時或不
繼備極艱苦守節三十八年俱乾隆六年題 旌

以下九氏
穎村人

韓氏諸兼三妻孝養翁姑事必躬親母病歸侍出簪珥以給醫
禱闕三月母歿水漿不入口者三日恐貽翁姑憂稍自節哀
因得肝疾夫爲繼嗣事兄弟幾失和氏婉言勸諫族中均爲
感悟府學浦教授起龍獎以額曰壺孝流徽同治七年題

旌

陸氏諸大本妻年二十九夫亡守節二十年周氏王齡九妻年
二十七夫亡守節三十六年俱同治七年題 旌二氏載擬
乘亦爲陳

總遺
脫

沈氏諸明揚妻年二十三夫亡事翁姑撫二子備嘗荼蘖益勵
冰霜邑尊獎以額曰節成慈孝守節三十一年陳氏諸慰祖

妻年三十夫亡翁武生虎姑沈氏以痛子故相繼歿氏侍疾
視殮盡誠盡禮撫子筠成立爲之娶婦者三守節四十三年
金氏佾生諸瞻鏞妻年三十夫亡撫孤以升成立咸豐十年
五月粵賊竄擾吳江之同里鎮以升被執殉難氏聞耗冒險
前往載屍歸殮媳已先歿氏悲傷不已逾月亦歿守節三十
九年朱氏諸獻祥妻年二十五夫亡家貧無依父母欲嫁之
氏以之死靡他爲誓藉女工以自給守節二十二年俱同治
七年題 旌

諸氏張鴻儒妻年二十四夫亡現年七十五已守節五十二年

同治七年題

旌 秀王浜
村人

諸氏湯聖行妻年二十八夫亡守節五十八年同治七年題

旌

湯灣村人載擬乘亦爲陳繩遺脫

馬氏吳文妻年二十嫁閏三月而夫亡守節五十二年朱氏徐

全忠妻聽松女年二十六夫亡守節四十二年陸氏徐天若

妻年二十七夫亡撫孤成立守節三十五年俱同治七年題

旌

以下六氏吳江縣江澤村人

吳氏朱翔雲繼妻年二十九夫亡撫二子二女成立守節二十

八年張氏徐維翰妻年二十五夫亡撫孤成立守節二十五

年俱同治七年題 旌

顧氏徐梅妻氏母家錢王浜幼受徐聘年十八梅病篤其姑懼

而狡卽爲梅娶氏于歸三日而夫亡姑始欲奪而嫁之氏誓死不從繼欲以己甥強配氏氏知之逃回母家後姑歿乃歸視殮撫嗣子祥甫成立守節四十五年同治八年題 旌

楊氏沈受祉妻年二十五夫亡上奉翁姑下撫子女不辭瘠瘵

子歿撫姪爲嗣守節三十九年同治七年題

旌以下二氏雪巷村人

張氏陳雲喬妻年二十六夫亡守節二十六年同治七年題

旌

姚氏金洪才妻年二十五夫亡現年五十八已守節三十四年

同治七年題

旌同字村人

千氏柳某妻贍淇媳也年二十夫亡守節同治七年題

旌長渠

人村

朱氏女馬河龍聘妻

縣志作易原
卽河龍字也

河龍母卽女之姑母女自幼

育於姑母故以配其子婚有日而河龍歿女時年二十一慟

幾絕殮之日衰麻腰經攀棺欲殉者數四服闋女自加笄簪

翁姑禁之不從女父母勸之亦不聽翁姑貧且年皆七十女

力勤女工易甘旨以供之翁姑歿女售田及所居宅以爲喪

葬河龍亦從葬焉撫河龍弟之子爲嗣爲之娶婦康熙五十

年張學使元臣給獎曰彤史完人越九年卒守貞四十三年

徐鑰爲作傳欲請旌表不果至同治七年始題旌

以下
三氏

南莊
村人

凌氏女字張氏子未婚婿歿女投繯死

載吳江縣續志而未詳請旌之年

陳氏凌景春妻年二十六夫亡撫姪山壽爲嗣姑以哭子喪明侍奉不怠守節三十七年同治七年題旌

蔣氏朱盛德妻盛德得療疾氏典衣治湯藥年二十六盛德歿其弟貧未娶氏又典宅權子母資之娶婦生子爲夫後力勤紡織積貲爲嗣子成婚舊宅得復守節三十餘年同治七年

題

旌

以下二氏支橫浜村人

沈氏張雲彩妻年二十一夫亡無子家貧紡織度日守節六十年同治七年題旌

任氏陳品珍妻富成女年二十八夫亡哀毀闋三月嘔血卒時

同治五年十二月二十五日也同治七年題

旌 吳家埭村人

陳氏庠生葉瑩妻年二十九夫亡撫孤成立守節二十四年同

治七年題

旌 以下三氏龍涇村人

干氏李彩靈妻年二十四夫亡現年四十四已守節二十一年

錢氏王錦章妻年二十二夫亡現年四十三已守節二十二

年俱同治七年題 旌

朱氏陶尚珍妻乾隆八年以節孝題

旌建坊在宅前 長浜村人

沈氏陳茂才妻

分湖小識作陸茂才

年二十六夫亡無子紡織度日守節

三十二年朱氏從九品潘雲海妻蘇家港監生渠成女年二

十九夫亡撫嗣子成立守節三十八年俱同治七年題 旌

以下三氏
許莊村人

仲氏陳愚泉妻夫亡翼日服毒自盡年五十三時咸豐九年十
二月二十日也同治七年題 旌

陳氏唐載乾妻蘆墟庠生元城女年二十九夫亡養姑育女撫
嗣子紡織以爲食積勞成咯血疾姑歿哀毀卒年四十一同

治七年題 旌

善壽
村人

沈氏李聖如妻年二十七夫亡遺孤三歲撫育成人家貧養殮
不繼無愁歎聲守節四十七年同治七年題 旌

西岑
村人

陳氏郭培妻年二十一嫁二十日而夫亡守節三十二年乾隆
六年題 旌建坊在宅前

以下三氏
楓里橋村人

張氏郭量容妻嘉慶十四年以節孝題

旌建坊在宅前

坊上鑄郭

濠州卽量容字也

張氏郭懷訓妻年二十八夫亡守節二十五年沈邑尊錫華獎

以額曰松筠其操同治七年題 旌

郭氏陳敘高繼妻

縣志作陳御皋

楓里橋載德女也敘高賈於外氏奉

姑金氏居家同治元年五月望日粵賊擾元蕩濱將及氏家

適氏家曬麥於場姑以護麥故堅不欲他避婦力勸之行而

白任護麥賊至大掠以刀驅氏入賊舟氏罵不絕口身被數

刀遂赴水死時年三十二

東渚村人事載吳江縣續志而未詳請旌之年

徐氏朱興達妻年二十四夫亡勤儉持家撫嗣子成立守節四

十一年 青浦縣朱家浜村人志載未旌

蔣氏徐汝珏妻

珏縣志誤作鉅

年二十四夫亡守節六十八年蔣氏之

嗣孫媳李氏徐福堂妻年三十夫亡現年五十六已守節二

十七年俱同治九年題

旌

以下三氏匠人浜村人

沈氏女父惟良女性至孝求聘不許曰我有父母不事而事他

人乎及長髮蓬蓬然紡績養父母凡五十餘年

事載青浦縣志而未詳請

之年 旌

顧氏蔣鳳楨妻

楨坊作徵

年十九夫亡生子僅四月姑病風恆苦冷

麻氏抑搔之惟謹夜則以身熨貼之數月而愈中年再撫孤

孫文英守節六十二年乾隆三十七年題 旌建坊在本村

墓前
王巷
村人

列女補遺

或問余曰列女何以獨補遺也曰感時而作也曰今之人
嫂寡而偶夫弟姪鰥而妻叔母不悅於夫則迫辱其翁姑
而爲離婚再嫁計人倫之變極矣 國法且不及窮僻之
壤區區紀載又奚益爲余曰不然鄉俗至不知貞孝節烈
爲何事則此之死靡佗者歸然巾幗中之魯靈光焉儻碩
果僅存又復漠焉任其剝盡恐事變愈不可問而謂表彰
不甚亟哉爰舉 題旌之例刊布遠近以博訪於里老鄉
先生續得若干氏並識其所以如此

朱氏王勝妻蘇家港儒家女父母早歿族人爲嫁勝勝強暴人

也康熙六十年三月姦事敗鎮人羣起而毆斃之焚其屍事
詳雜記時氏適勝甫逾月哭盡哀未幾自縊死嗚呼烈矣以
勝故未經請 旌茲特表而錄之

王氏女父建中世居吳江小東門外許字同邑陳倩雲倩雲家
故貧賈於外歲久不歸時女年逾笄父母又相繼歿或有勸
之改適者輒以死誓欲歸陳而舅姑亦早歿遂依兄嫂藉紡
織自給粵寇陷江城女攜孤姪炳以出至鎮依其從弟祚新
爲之佐治家事具有條理暇則操女工以贍其姪閱七年卒
年五十五祚新葬之於鎮東南隸青浦之烏字圩祖塋並立
石焉同治八年題 旌

徐氏費嶧材妻年三十夫亡遺孤 欽旌孝子嘉穀僅五齡氏撫育至十四歲終以哭夫故得痲疾赴水死嘉穀殉焉詳載人物氏守節已十年同治十年題 旌

沈氏徐萬昌妻年二十夫亡守節四十二年同治十年題 旌
金氏楊大章妻年二十七夫亡現年七十二已守節四十六年同治十年題 旌

沈氏史賜恩妻年三十夫亡撫孤其昌成立卒年五十一守節二十二年

許氏葉錦裳妻年三十夫亡事姑盡禮撫孤薰成立爲長洲縣學生現年五十一歲

未旌節婦生存之年俱以壬午歲爲準

陸氏從九職員戴肇燦妻年二十九夫亡撫孤寶瑜成立現年

四十八歲

朱氏楊茂芳繼妻年二十四夫亡撫前氏子秋山成立現年五

十五歲

元和縣東
垞村人

繆氏繆受益妻年二十九夫亡上奉翁姑撫孤訓詳成立現年

八十七歲繆氏之媳李氏繆訓詳妻年二十六夫亡孝事姑

姑撫嗣子寶生成立卒年六十七守節四十二年

以下四氏
韓鎮村人

繆氏韓國藩妻年二十八夫亡撫嗣子世卿成立現年六十四

歲

繆氏韓振揆妻年二十夫亡嫁甫一載孝事翁姑撫遺腹子奉

坤成立現年五十四歲

朱氏高新豐妻年二十二夫亡撫嗣子惠祥成立卒年七十四

守節五十三年

祈莊村人

袁氏懷國祥妻年二十六夫亡撫嗣子近山成立卒年七十守

節四十五年袁氏之姊姚氏懷珍祥妻年二十一夫亡撫遺

腹子效山成立卒年六十八守節四十八年

二氏許家港村人

陳氏張洪九繼妻年二十九夫亡事姑盡孝撫子揆明成立卒

年七十三守節四十五年

仙鶴渡村人

張氏俞慶保妻年十九夫亡現年五十一歲已守節三十三年

同治十年題

旌 以下八氏龍亭村人

陸氏蔣會芳妻年二十七夫亡撫孤來儀成立卒年七十守節四十四年

陳氏蔣世松妻年二十五夫亡撫嗣子乃晉成立現年六十一歲陳氏之姊王氏蔣世梧妻年二十七夫亡卽嗣乃晉兼祧卒年五十四守節二十八年

周氏汝子楷妻年二十七夫亡撫孤仁麟成立現年六十歲陸氏蔣如圭妻年二十夫亡事姑盡孝撫嗣子鳳韶成立現年五十二歲

陸氏蔣穎達妻年三十夫亡撫嗣子菊圃成立而歿現年七十二歲陸氏之嗣媳丁氏蔣菊圃妻年二十二夫亡孝事孀姑

現年五十歲

楊氏張宏傳繼妻年二十九夫亡上事繼姑下撫嗣子步坤成

立持家有法敦宗睦姻衣服樸素雖盛暑不去表衣數十年

如一日卒年七十三守節四十五年

以下二氏蟠龍浦村人村東南卽祈莊

蔣氏張甸安妻年二十九夫亡撫孤彥生成立現年五十三歲

趙氏女小名善成父茂材自幼許配本村袁在明之子年十九

夫亡女欲奔喪父母不許遂於母家成服茹素誓不適人及

父母歿竟歸夫家撫姪鳳岡爲嗣娶婦同居紡織度日光緒

七年八月卒年七十三終身守貞

祝家浜村人村西南卽龍亭

徐氏丁瑞田妻年二十五夫亡孝事翁姑撫孤邦達成立現年

六十四歲

和尚田村人村
東南卽龍亭

陳氏朱越勤妻年二十夫亡撫嗣子錫麒成立現年五十三歲

錢王浜

村人

周氏沈駿聲妻年十九夫亡上事翁姑下撫嗣子雲伯成立終

身縞素卒年六十守節四十二年

北錢王
浜村人

陳氏顧兆熊妻年二十六夫亡撫孤芑堂成立現年七十六歲

陳氏之娣千氏顧兆麟妻年二十四夫亡卽嗣芑堂兼祧現

年六十七歲

二氏吳江縣
東投氣村人

閻氏許雲高妻年二十七夫亡事姑盡禮撫孤俊堂成立現年

六十一歲

陳許
村人

楊氏陳泰昌妻年二十夫亡翁姑在堂奉事惟謹越十五年而翁歿姑以痛夫失明繼復蹉跌傷臂不能握箸每食必待氏哺茹數十年如一日家貧藉紡織以供養撫嗣子錦芳成立卒年六十六守節四十七年

以下三氏吳家埭村人

謝氏吳維德妻年二十八夫亡撫嗣子盈泉成立卒年八十一守節五十四年謝氏之姊朱氏吳維仁妻年三十夫亡撫孤馨泉成立卒年七十二守節四十三年

柳氏陳花山妻年二十九夫亡先一載姑歿所遺小叔小姑各二年俱幼氏一身撫養之嫂行母事以時嫁娶無失所卒年

四十八守節二十年

以下四氏許莊村人

錢氏陳少琴繼妻年二十四嫁彌月夫出買逾月卒以喪歸氏
哭踊聲嘶見者多垂淚撫遺腹女紡織度日現年五十二歲
馬氏高啟賢妻年二十二夫亡撫一女至適人而又歿斃子無
依卒年六十五守節四十四年

章氏陳棣三繼妻年二十四夫亡藉紡織度日卒年七十四守
節五十一年

顧氏潘世欽妻年二十四夫亡孝事孀姑傭工度日現年六十

五歲

以下二氏二
過港村人

王氏潘亦祥妻年二十七夫亡上事翁姑下撫孤子元吉成立
現年七十七歲

流寓

唐陸龜蒙字魯望號天隨子又稱甫里先生江湖散人世居吳
侍御史賓虞子也少高放通六經大義舉進士不第隱居松
江甫里多所論撰尤工詩得書熟誦乃錄譬比朱黃不去手
借人書篇帙壞舛必爲輯褫刊正有田百畝屋三十楹田汗
下雨潦則與江通故常苦飢身畚插株刺無休時或譏其勞
答曰堯舜徽瘠禹胼胝彼聖人也吾褐衣敢不勤乎嗜茶買
園顧渚山下歲收租茶自判品第初病酒再期乃已其後客
至挈壺置杯不復飲好舟游設篷席齋束書茶竈筆牀釣具
往來江湖自比涪翁漁父江上丈人築別業於震澤鎮自甫

里至震澤道經吾鎮故常遊息焉後以高士召不起尋拜左拾遺詔方下而卒光化中韋莊表龜蒙及孟郊等十人皆贈右補闕著有吳興實錄松陵集笠澤叢書行世

劉禹錫字夢得彭城人貞元九年進士登博學宏詞科爲監察御史以王叔文黨貶朗州司馬歷補連州夔州刺史太和六年又出刺蘇州以政最賜金紫服及謝事嘗至鎮寓居南湖濱其遺椽卽今之清遠庵也晚歲偃蹇寡合以文章自適於詩尤精白居易推爲詩豪會昌時檢校禮部尚書卒有集四十卷

宋張觀字可觀嘉定人好遊覽嘗以輕舟載卷軸往還吳越遇

佳山水輒畫之甚至留二三月不去筆墨所成或千巖萬壑
或一角山或陂塘平遠俱入神詣雖宗夏珪馬遠及與盛懋
吳仲圭遊而自得處皆天趣也既老僑居鎮中修圃灌花更
得雅人深致遂終於此

元王行字止仲吳縣人沈萬三延爲西賓設館銀子洪每一文
成沈酬白金一鎰行輒麾去曰使富而可守則燃臍之慘不
及矣行幼時隨其父依藥鋪徐翁家徐媪喜聽稗說行日往
書肆記數卷爲媪誦之媪悅以語翁翁授以論語逾夕悉成
誦異之使盡讀家藏書遂淹貫經史百家言未弱冠謝去課
徒齊門與諸名士遊名譽日隆著有半軒集

宋通字文傑沈萬三之贅壻也饒於貲好讀書慕古人奇節仕元爲萬戶侯壬辰兵起散家財以衛里黨張士誠據平江一時文士多歸之通不屑往洪武初以賢良徵不就曰吾家世有隱德不願富貴但願吾子孫得爲善人永保詩書之澤足矣乃卜居楓江與妻偕隱焉妻沈亦知有家難不受嫁貲其高朗畧如通云後崇祀鄉賢祠復置專祠春秋編祭

明沈同和字志學吳江人美丰姿善詞賦獨不長於制藝萬歷乙卯舉於鄉乃其親趙鳴陽之文丙辰會試僅成一藝餘亦鳴陽代作同和中會元鳴陽第六京師譁然事遂上聞有救者言其能詩卽命殿前賦梅花詩一百首頃刻而成上意欲

赦之或曰國家以八股取士未嘗用詩仍令覆試以士憎茲
多口命題竟日不能成篇遂與鳴陽同黜罪以流時有丙辰
會錄斷么絕六之諺後遇赦歸隱居鎮中復營別業於鎮西
之張家浜與潯陽灣陶唐諫善朝夕往來相隔一溪故有詩
云昨夜燈前曾有約今朝移艇渡溪來妓穆素徽者四方名
士爭欲得之同和匿之張家浜有不歡於同和者製爲西樓
記傳奇所稱池三公子卽指同和也西樓遺址嘉慶初年尚
存素徽卽葬於此

李寶宇如石號鏡庵四川遂寧人崇禎癸未進士授長洲縣令
當兵荒後民不聊生實性仁恕每遇徵比爲泣下務以至誠

勸諭不加敲撲而國課無闕所立挨差法棋盤比冊編審冊
奸胥豪戶不能上下其手明亡後隱居詩門外上清港垂三
十年恆出沒陳湖之濱水濶蘆深幅巾垂釣好扁舟獨遊清
曠之地如六直陳棗周莊等處置酒一壺豆一盂或魚蔬之
類數日忘歸與酣作詩隨棄去講學課徒陶淑甚夥順治乙
酉湖盜起假前明義兵爲名劫實實拒不從及子仙根及第
不與一見易簪時遺命不許設帟幕繪像書旌及樹墓碣

楊廷樞字維斗吳縣人舉崇禎庚午鄉試第一自爲諸生卽以
文章氣節負重望倡應社於吳中與太倉張溥張采諸名流
分經立課四方學者奉爲楷模因所居皋里稱皋里先生周

順昌被逮廷樞身左右之幾罹禍甲申間變北向慟哭福王立貽書執政所言十事皆天下大計奄黨阮大鍼怨廷樞將搆大獄會南都破事得解時廷樞匿跡鎮中戴之僞家之僞其門人也未幾吳易起兵招之廷樞以因糧於民不往遂隱居鄧尉山不復入城市順治丁亥四月松江提督吳勝兆叛爲之運籌者之僞也事敗株連廷樞被執乃於舟中賦絕命詞十首裂衣幅作血書自題其後曰吾自少讀書慕文信國之爲人今日之事乃吾志也五月朔土巡撫國寶會鞠於蘆墟泗洲寺以好言勸諭薙髮廷樞曰頭可斷髮不可斷乃見殺年五十三門人迨紹原斂其尸葬之私諡忠文先生著有

古柏軒詩文集乾隆四十一年 賜諡忠節

許王家字君聘蘇州郡學生國變後隱居搖城有吏趣之出封
利劍一示以期曰不出則死王家曰死分也吾固甘之或勸
王家謂君明諸生未食天祿胡遽以身殉王家曰君臣之義
豈論仕與不仕耶吾讀孔子書殺身成仁求生害仁已講之
熟公等勿復言以父母屬妻顧曰爾善事堂上吾不能終養
矣父母知志不可奪含涕謂曰汝行汝志勿念我二人王家
肅衣冠再拜赴湖水死年三十有九

徐枋字昭法號俟齋忠節公汧子也崇禎壬午舉人南都失守
汧將殉國枋日夜號泣欲從死汧曰吾不可不死若長爲農

夫以沒世可也枋乃拮据營葬遊跡鄧尉山中後隱靈巖之
上沙土室數椽讀書其中終身不入城市家貧賣畫自給雖
爨煙屢絕莫能強以一錢之餽時至鎮中徐梓家故梓家所
藏墨迹甚夥著有居易堂集二十卷

徐波字元歎郡城人吳縣庠生工詩及古文竟陵鍾惺見而驚
異以爲古人復生遂與之交甚厚馬士英擅政將以清職羅
致之波知士英必敗拂衣去歸隱天池山麓竹塢築落木庵
以老初寓居全福寺禪房與徐汝璞往來唱和鼎革後重至
鎮中賦全福寺大樹無恙詩著有謚簫堂集

文蘭字若芬郡城人庠生文肅公湛持從孫也爲鎮中徐廷瑜

賚壻福王時上書忤權貴幾至不測人目爲狂生明亡遂閉戶隱居讀書不輟不事家人生產時苦飢寒善書得其家法子志師金壇人副使沈琬之外孫也時來副使之孫寶臣家慷慨好義鎮中有公事必請其主盟殿撰于振乃其孫也

艾丹生字山夫原名京字彤寶嘉善庠生 國初改今名嘗與朱鶴齡包振順有孝遊工詩及古文鼎革時破家以賣卜遊四方恆飲酒悲歌以自遣及卒兩廣總督吳興祚寄金與其子以葬之著有貫齋遺集三十卷楊稠字牧工性慧巧技藝百家無一不能尤工篆刻二人並嘉興人嘗寓居鎮中與徐汝璞友善

管淵字公躍汾湖人好讀書放懷詩酒管居鎮中與屠彥徵諸
老人結耆英社性疎財多義舉有土豪侵陵孤弱淵奮不顧
身力爲排擠卒至傾家旣而歎曰人生尚氣亦虛耳遂絕意
世務惟以岐黃術濟人

毛瑩初名培徵字湛光又字休文晚號大休老人吳江庠生工
詩辭及古文屏跡襖湖濱日事吟詠多方外交親友勸其應
試不從晚年寄居鎮中嘗與屠彥徵鄭任徐汝璞社集蘭芷
軒其子錫年爲繪四老圖著有晚宜樓詩文集錫年字長孺
號康叔讀書敦品工詩畫得其祖以燧祖母汝氏文淑之傳
自稱畫隱喜作遠山枯木筆意瀟灑徐枋甚重之著有餘庵

小草

顧有孝字茂倫晚號雪灘釣叟吳江人少遊華亭陳子龍之門子龍殉國難有孝棄舉業歸隱好客以致破家耽吟詠選唐詩英華集甚稱於世初主徐汝璞家繼寓全福寺嘗與鄭寬徐藩毛錫年集詩社於白雲堂

本朝李仙根字子靜號南津父實以進士爲長洲知縣而仙根留蜀養母會張獻忠破蜀所至屠戮仙根乃奉母奔吳時父已去官隱居吳淞之南仙根灌園操作旋於陳墓周莊課徒得館穀以養世祖平蜀後乃歸省墓順治甲午舉於鄉辛丑成進士廷對第二人授編修遷司業嘗出使安南卒靖邊

歟吳三桂叛命理餉駐荊州未幾召還改副都御史時逆藩甫定株連甚衆仙根力爲平反全活萬人尋陞戶部右侍郎歷三載以望誤罷歸晚歲入都留補光祿寺卿卒於任年七十仙根善詩文工書鎮中永慶庵飯僧田碑及全福寺之水中佛國額皆其手筆

汝周錄字其修黎里鎮人吳江廩生家貧力學博覽羣書性情澹不與外事惟好表揚人善嘗館鎮中徐氏子祖霖字不盈隨其父在鎮讀書爲人亦坦率無我善圍碁時推江南第一手

吳一蜚字翼生號恕庵郡城人康熙丁未進士授山西山陰知

縣請緩征決疑獄人稱爲神丁憂服闋補洪雅知縣亦多政
聲入爲工部主事擢御史糾儀失察降補行人司副浮沈十
餘年歷任卿貳晉刑部尚書時有重案株連者衆一蜚苦心
解釋人多陰受其庇轉吏部尚書在職廉慎卒於官一蜚與
陶天民善天民子祀思又爲其壻以是常至鎮工楷書求者
無虛日一蜚笑而應之無吝容

費洪學字巽來吳江人康熙庚辰進士授直隸博野知縣鋤強
扶弱治多惠政歷三載卒於官未第時館鎮中費晚佩家有
年

周振業字右序吳江人雍正癸卯以歲貢生中副榜家貧力學

敦修六行從桐鄉朱彝遊專事朱五子之說以治四書其幾於性理元明以來僅有也嘗館鎮中沈氏晚歲往郡城遇故人子於途憐其寒解衣衣之忍寒而歸遂病卒時雍正九年
年七十一

周廷燮字贊宸郡城人雍正甲辰進士授庶吉士散館改都察院經歷陞刑部現審司員外郎繼陞禮部祠祭司郎中奏請蠲免米稅奉 旨俞允出爲陝西延綏鄜道地當套口密邇邊城監收兵餉管理鹽茶素稱繁劇廷燮以鎮靜治之夷民和洽生平廉潔自守以病告歸蕭然襤被而已縉紳重其德爭延爲子弟師課徒十五年束脩所入與諸弟共之鎮中陶

天民娶其姊故時主天民家

顧名字予賓號書牧青浦庠生姚斷村人爲鎮中徐氏贅婿嘗館於此性耿介端品勵學不爲應制文耽吟詠筆致峭拔刻意生新日於井臼機杼旁與子女唱和爲樂吳祭酒偉業亟稱之著有繭樓詩詞草十六卷子問字七思幼隨其父同在鎮才高不求仕進精篆刻工詩著強裁詩草善詞曲有不及髯九連環等傳奇女步字佩薇亦工詩早寡守節詳列女

沈丹楸字鳳岐吳江人廩膳生秉性誠篤弱冠娶妻生于甫期而妻歿終身不復娶晚歲館鎮中沈氏嘗攜孤孫以自隨與陳麟徵皆以義夫稱陳麟徵字瀛少青浦人庠生爲徐梅家

贅婿年未三十而鰥居不再娶性落拓不羈輕財重義豪於酒座客常滿不醉無歸卒年六十

顧鳳喙字隱壺木瀆鎮人性耿介甘澹泊精於易理手錄奇書甚多嗜讀史漢恆以一壺自隨有蘇舜欽風平日杜門不出雖久居鎮中罕有識其面者

廷朗字蘊高號卮川南傳村人初名百謙吳江庠生嘗館鎮中迨廷鑑家又嘗徙居鎮南之西岑村後寄籍宛平改今名入泮乾隆己酉中順天舉人久居京師北抵居庸南遊楚豫主講淮陰書院所至與賢士大夫交性豪爽善談論有幹濟才詩古文詞必自出機杼亦工駢體精繪事人物花草俱入神

品補鳳陽府訓導未幾歸里年六十七卒著有郢堊集淮上紀聞粵遊筆談繪事瑣言繪事雕蟲

楊金生字青筵吳江人歲貢生幼聰穎讀書過目不忘及長文思勃發人皆以遠到期之父觀吉善推命謂金生必作江湖墨客因授以星命之書并天文厯數之學令其熟習金生有王夷甫風口不言錢僕人竊取亦不與深較家故中落遂客遊四方以推命賣文爲業所改時文舉筆立就人爭購之初寓鎮中澄虛道院繼寓桃花庵從遊者甚眾

葉樹枚字條生號改吟吳江之池亭村人少攻舉業不售卽舍去而專力於詩務標新穎不屑人云亦云遊吳越間以工詩

稱初寓鎮中永慶庵既而從兄琴泉從之學詩時主其家著有改吟齋詩鈔四卷燼餘什一二卷

朱霞燦字霽堂號素圃吳江之蘇家港人晚遷泮水港早歲能文受知於莫學使晉以第一人入泮家貧客授自給中年遊幕皖城旋就壽州沈刺史南春之聘課其幼子功倍他師賓主甚相得歸裝稍贏有族母詭以困乏訴卽解囊持贈後知其非貧一笑置之道光辛卯館於伯父諱興宗家煦亦從學焉所課經籍外間及吟詠暇則講論史鑑或小學語錄數則諄諄之誨不遺餘力嘗曰讀書明理徒事文辭無益也詩學香山工駢體文字法在歐虞間又善畫花鳥習星數及岐黃

之術故遊其門者往往各精一藝在鎮十年壬寅秋卒年七十三著有虛白厂詩集八卷文集二卷

韓崇字元芝號履卿郡城人刑部尙書封弟也少穎悟博覽典籍耽吟詠長於金石之學官山東雒口批驗所大使旋保舉知縣而崇遂乞歸奉母居大儒巷仁孝里時至鎮中省其從兄來潮道光戊申江北水災與潘中翰曾沂等設局留養難民一萬五千餘口資送回籍己酉本地水災復董辦賑饑全活無算咸豐癸丑賊陷江甯蘇城設協濟局勸捐助餉欽派崇爲董事尋以功加鹽運使銜並賞花翎庚申大營潰議募水師乃舉費都司秀元任其事及賊逼城崇已從夏孝子

廷錄言誓以身殉或止之曰徒死無益不如留身以圖後効
四月十三日城陷秀元乃挾崇以出至鎮憤鬱成疾遂往上
海卒於海門年六十二生平清勤長厚不以富貴驕人著有
寶鐵齋詩錄金石跋尾錄

沈槩森字殘卿號戟門吳江人道光丁酉舉人性和易諳修養
之術工詩及書畫博覽典籍下至稗官小說無不精究庚申
避地鎮中恆閉門靜坐粵賊平族人勸之歸槩森以鎮中風
俗較厚願終老焉因以岐黃術濟人庚午暮春偶染微疾抱
膝而逝年六十七所著詩文遭兵燹蕩然無存矣

莊慶椿字子壽震澤之十都村人性豪爽嗜飲酒讀書博覽強

識肆力於詩古文辭尤擅駢體文出入洪北江彭甘亭諸家
詩宗虞山鉛山操筆立就庚申之難方家居爲保守計賊猝
至火槍鐵丸洞其腹竟無恙時其子人寶爲從弟然家課讀
遂挈眷來鎮寓居焉早歲以客投交四方知名士至是凡詩
酒之會無一不與所作詩甚富於親故殉難則有鵬碧集於
知交零落則有感逝懷人二集五十生辰賦述懷詩用杜陵
秋興八首韻有和者輒用原韻酬之得四十餘疊韻又有希
雅堂詩文集爲賊所燬同治甲子人寶舉於鄉乃歸故里年
六十二卒

楊慶麟字振甫吳江人道光庚戌進士授編修蘇城陷以居父

憂在家遂避地鎮西之長渠村時 朝命常熟龐閣部鍾璐
爲江南團練大臣慶麟副之未幾合肥李伯相拔師至滬檄
襄軍務生平喜獎拔人材同邑人提督孫金彪副將費金綬
皆於早歲羅致門下賊平後歷任河南學政山東鄉試正考
官旋以翰林院侍讀學士擢順天府尹光緒初爲廣東布政
使所至勤慎守法在粵三載遣本生母之喪閱一月亦病歿
藩署年五十有四歸葬於鎮東南之寺巷村

王炳華原名誦堯字伯瀛世居鎮東南青浦之吳巷村咸豐辛
亥舉人幼穎悟讀書過目成誦甫冠卽發科然性淡泊一起
禮部試報罷不再往以詩酒自娛不問外事庚申之難避地

來鎮時吾家舉詩社炳華數與焉所爲詩悲歌激烈不猶乎
人極與從弟然爲莫逆卒年四十八遺詩稿數卷然弟爲之
編定

熊其英字純叔青浦人廩貢生苦志勵學得其兄戶部主事其
光之教以古文名家遠近推作手所爲應試制舉之文亦純
用古文法詩專主性靈粵賊擾青浦避居於鎮西之西蒲塘
村遂館鎮中馮氏生平遇不平事輒出身排解不少疑憚光
緒戊寅春河南大饑乃毅然偕吳江舉人浚淦等募鉅萬金
往賑雖烈日暑歎中必身歷各城鄉編戶按口以給之幾一
年所全活無算卒以此積勞病歿於衛輝賑所年四十有二

居民感其德爲建祠祀之方其英之未往賑也青浦吳江兩縣令先後聘修縣志大綱細目獨闕蹊徑如寺觀僧道擯而附之於雜志中其有細目所不能括者多爲表以著之青浦志總十四表前此未有也

釋道

宋杲古本行腳僧掛錫全福寺景定間闡揚大教敕賜全福講寺額寺中奉爲開山祖師

法源俗姓陳祈莊村人感夢異棄家爲僧披薙於郡城覺報寺後乃歸創建報福庵於村中事載祠廟詳咸淳辛未僧若源碑記同時有朽庵者相傳爲終南山僧卓錫穎村募建崇遠庵凡殿閣堂厨畢備爲陳湖濱一叢林也

元古鏡全福寺僧戒行清苦至正六年寺燬於火九年募緣重建還於舊觀寺僧師坦爲撰重修全福寺碑記

明大佑字啟宗號遠庵俗姓吳祝髮全福寺博涉內外典善天

台賢首教義繼遷郡城北禪寺爲僧錄司洪武十五年詔徵
十高僧分侍諸王大佑與焉爲左善世會內難棄歸駐錫於
高墊金園裏之善住庵卽全福寺下院也因養母於此改爲
奉親庵示寂庵中今其塔藏尙存著有淨土指歸淨土眞如
禮文彌陀金剛二經直解天台授受圖法華撮要圖淨土解
行二門圖行世按府志載大佑年十二出家寄心庵擬乘云
在全福寺或先在寄心而後歸全福歟

無爲不知其名但稱曰能公江澤村流慶庵僧遊學得道蓮池
語錄云吳江縣流慶庵無爲能公齒先子德先子出家先子
予蚤歲遊蘇湖間與同堂坐禪及子往雲棲公來受戒求列

名弟子子謝不允則固請曰昔普慧普賢二大菩薩向求入
匡廬蓮社我何人斯自絕佳會不得已如重羅石謁新建故
事許之以賢下愚有古人風筆之以勸後進其推重如此

廣明字懷濬全福寺僧真確修持不專事參學 本朝順治三
年重修大雄寶殿工詩嘗與屠彥徵徐汝璞唱和招入耆英
社中其徒常林亦耽吟詠

正志號槩庵湖廣嘉魚人卽熊開元也崇禎時歷任崇明吳江
知縣擢給事中以建言廷杖謫戍武林自少受天如和尚記
仕吳時曾入三峯藏室鼎革後披薙爲僧隱於匡廬南嶽間
宏儲招至靈巖繼住三峯 本朝順治丙戌至鎮訪徐汝璞

愛鎮南之勝卓錫清遠庵後偕汝璞徧遊名山康熙初復居
鎮中有年卒於華山其徒天資具平並戒行精嚴天資住永
慶庵著有水月軒心經樞要十世歸真訟古行世具平住清
遠庵工詩善弈著有且留稿

本朝謚朗全福寺僧受戒於具德執侍中瓶有年歸寺後閱藏
三載貫通禪理恆掩關課誦不喜見人工詩筆致高古

建明全福寺僧廣明高弟也精通禪學工詩古文辭論者推法
門義虎昔有老人遊寺中云此間山門水秀應出文僧至是
果驗

問月全福寺僧俗姓陶人稱陶和尚康熙癸丑創建指歸閣及

山門廊廡圍牆并募置飯僧田初爲油博士有客僧化齋主人不與陶以所攜飯一盂與之僧臨去曰汝後有難我當來救陶娶妻成婚之日夢神以大槌擊之懼而逃墜陷坑中前僧援之出驚寤謂妻曰我與汝非夫婦所夢陷坑乃孽緣也我將脫此去矣妻亦欣然願爲尼未幾遇前僧奉爲師隨之雲遊數年歸爲寺僧素不識字至是醫卜地理無不精通尤善符咒及拳棒遠近知其名搢紳家延請無虛日慕巡撫天顏亦崇奉之然爲人怪誕好衣紅縐衫褲或戴貂帽作俗家裝飲酒食肉不持戒行一日有松江大姓來招僕從甚豪華陶取沙袋鐵梭置箱中對來人命侍者曰有銀兩在箱帶往

市土宜登舟至泖湖乃盜也陶曰吾固知之所以攜銀來因啟箱誦咒舉袋揚沙頃刻風雷大作盜迷不能視羅跪乞命不許取鐵梭盡殺之投於湖曰爲民除害不得已而破殺戒耳與侍者操盜舟歸其詭異類如此事母孝母厭聞烏鴉聲陶毆之時數里內烏鴉絕迹母歿設位指歸閣下奉香火焉背有深孔七隱毫毛間常令徒侶以豬鬃剔去其垢所遺地理等書散失不傳

衍微永慶庵僧性樸誠務本修行好接待客僧因改庵名爲十方禪院並增置田畝李模爲撰飯僧田碑記

執虛性月澡雪南求昔康熙間全福寺僧也禪學之餘並肆力

於詩文奈遺稿無。未能悉其梗概相傳南求著有一葉吟
云時清遠庵元白涵徹二僧皆博涉釋典真賞修持亦緇流
之秀也

德峻字碧崖瓜涇徐氏子枋孫也自幼絕意功名年二十三出
家竹影庵明年往皈靈巖彙和尚傳授三壇大戒雍正乙巳
來主全福寺性孤介勤於課誦自奉儉嗇積貲則置田壬子
示寂尙有儲蓄

子德本虎阜雲巖寺僧延主全福寺方丈專精釋典博貫諸宗
乾隆丙辰在寺開設戒壇四方僧眾雲集間涉吟詠所交皆
知名士

能綏字雪鴻本金澤頤浩寺僧移錫永慶庵苦行清修梵誦不輟庵久傾頹乾隆壬申與其徒志堅募捐修葺並建文昌閣帝二閣乙亥復募陶金梭等構洗鉢亭於閣後池上春秋佳日輒與名流觴詠其中

德琳字玉山自幼出家全福寺中房受戒具精通經律旁涉文辭乾隆乙丑至杭州靈隱山雲林寺初爲百一師繼接巨濤和尚方丈高宗乙酉南巡閏二月十二日在寺接駕十
五日又在天竺法喜寺接駕奏對稱旨賜衣緞藏香等物
庚寅冬歸全福寺命其師弟德立爲寺中主席持齋念佛謹
守清規陸起仙爲撰重整禪林碑記越三載示寂著有玉山

琳禪師語錄二卷行世德立字仁山廣明之裔嘗隨參巨濟
分承衣鉢遵守禪堂終身弗懈

律蓮字淨植本靈隱山雲林寺僧乾隆辛亥延主全福寺方丈
實心修行勤於梵誦嘉慶辛酉募捐葺殿宇裝金身並修寺
前往來之路至今稱便

達海字滄霖號別峯披薙於永慶庵精通釋典好學多聞工草
書善蘭竹繼爲七子山主席嘗與名公卿往來酬唱由是求
書畫者無虛日

隨根字志道全福寺方丈僧茹蔬奉佛終日誦經不少懈嘗獨
居一室其膜拜處足有陷地迹出語恂恂望而知爲眞實修

持者也遠近齋僧之家爭欲得其一至爲重其爲人尊信如此後付法於其徒遂參厯諸方光緒三年冬示寂於常州天甯寺

境勤字淨業號楚齋南通州人同治庚午雲遊至郡城遂來全福寺爲隨根之徒隨根自得境勤見其以振興寺宇爲已任越歲卽退院境勤主方丈傾積貲並四出募金統前後殿閣一新之復增建齋堂禪房數十椽煥然寺爲之改觀焉工行書善畫蘭竹求者接踵

廓澤字牧崖號東巖境勤付法徒初爲行腳僧所至叢林悉交其名長老工詩亦不多作存禪餘小草一卷主全福寺方丈

僅三閱月而歿

明沈道隆澄虛道院住持精究道術遇水旱祈禱多應嘗虔誦斗經有鶴降於庭樹人以此異之

本朝胡天羽沈道隆之後康熙丙寅辛未先後募建玉皇文昌二閣繼之者有蔣南紀乾隆辛未募建關帝閣於門前皆有功於澄虛道院者也南紀於雍正間得知事廳之職吏部及真人府均頒以執照至今猶存

李良翰號眉山康熙間自盛澤來鎮居澄虛道院性高古不與俗人交日惟靜坐愛圖書法物習趙凡夫草篆並善遊仙諸

術

郭克修號笑溪自幼出家澄虛道院及爲住持刻苦修持積誦
經貨輒修葺殿宇裝塑神像故終其身院中煥然常新並制
常產以貽後人至今賴之

周莊鎮志卷五終

周莊鎮志卷六

里人陶煦重輯

雜記

沈萬三秀之富得之於吳賈人陸氏

吳江縣志作分湖陸氏甫里志作陸德源陸富

甲江左秀出其門甚見信用一日歎曰老矣積而不散以釀

禍也盡以與秀棄爲道士

甫里志云改名宗靜

築室陳湖之上曰開雲

觀居之竟以壽終

吳江縣志載分湖陸氏宅在二十九都元季富室也有號采芝者悉以田產與沈萬

三家資盡散之親族夫婦出家雲遊而去人皆笑之後沈受

禍人始服其高見其後名行直者明洪武中爲翰林典籍有

致仕還分湖問訊海棠

詩斯時已爲小家矣

洪武初詔萬三建南京廊廡一千六百五十四楹酒樓四座築
城甃階造鐵橋水關諸處所費不可勝計一日權倖莫禮過

訪萬三屏去金銀器皿以絳絲作鋪筵設紫定器十二桌每
桌置羊脂玉二枚長尺餘濶寸許中有溝道所以置筯行酒
用白瑪瑙盤盤有斑紋乃紫葡萄一木五猿採之名五猿爭
果蓋則赤瑪瑙有纏絲者二物光彩燦爛天然至寶明日其
贅婿顧學文設宣和定器十二桌每湯一套酒七行每行易
一寶杯萬三豪富至此不自韜晦宜其取禍也

萬三藏有瑪瑙酒壺其質通明類水晶中有葡萄一株如墨點
號月下葡萄籍沒後爲吳江某甲所得以贈吏梅元衡元衡
死壺不知所在天順間邑人李銘教童子爲業一夕於市中
見溝渠有光私識之詰旦往發獲此壺有劉姓者謂之曰若

持此獻鎮守張太監可得全嘉興一郡鹽鈔李遂與之資糶
果獲所圖計利三千金劉取其三分之一李渡江舟覆鈔皆
濕畏太守楊繼宗追捕前鈔李死獄中劉廢產與僨事載湧
幢小品

元末異人張三丰見萬三語之曰欲煉金丹必得大福人相助
徧閱天下無如君者但須三百金爲資三年後啟爐分贈萬
三慨然與之逾年復至曰遇見難人以此金相濟矣若欲丹
成可再付金如前數萬三復與之無吝色後爲明太祖所籍
沒戍於雲南康熙初三王叛滇逆優伶一時星散有貼旦者
揚州人中途失侶於亂山中見一大宅乃款門借宿頃之一

老人出幅巾深衣蒼髯古貌引入與語知優爲江南人曰吾與汝爲鄉親可知當年有沈萬三乎吾是也以服金丹故得不死因令其老妻出見相對極歡留一日飲食器用如王侯臨別贈以金屬令勿言優逢前侶蹤蹟其處不可復識矣雍正乙卯海鹽陳別駕鎰述其表親俞某曾遇此優親道其事時俞官河督爲之撰傳

沈旺字文度萬三之子籍沒後其家漏貨尚富爲人把持其短旺患之因蒲伏見倖臣紀綱進黃金百兩白金千兩龍文被一牀龍角一枝奇寶十具異錦四十匹再願備外府歲時供奉綱許之乃語旺曰吾後庭未充爲吾徵求吳中好女不爲

數旺因挾綱之勢而分民間之室無誰何者又吳江縣志載
張士誠據吳時萬三曾遣二子茂旺密從海道運米至燕京
洪武初以龍角來獻竹以白金二千錠黃金二百斤甲士十
人甲馬十匹並建南京廊房酒樓築城甃階造鐵橋水關費
鉅萬萬計時方徵用人才以茂爲廣積庫提舉旺爲戶部員
外郎

鎮人顧學文萬三之贅壻也聞同里鎮陳某爲序班者一子駮
甚其妻梁氏有國色知書善吟慕之因以稅長拏舟往來常
泊其河下梁亦竊窺焉學文乃賂惡少誘其夫飲博而使媼
持異飾挑之遂成私約序班之兄知其事使童子竊其私書

封寄序班思有以中之及藍玉事發序班從旁誣奏學文與藍玉通謀詔捕獲嚴訊詞連妻父及其讐七十二家轉相援引并及處士張疇侍郎莫禮員外郎張瑾主事李鼎崔齡徐衍等不可勝數黨禍大起至五六年始息梁亦爲父所逼令縊死按吳江縣志載洪武三十一年二月學文坐胡監黨禍連萬三曾孫德全等六人并顧氏一門同日凌遲莫禮亦坐誅

鎮人金紹叔蚤緣爲魏忠賢第八乾兒稱金八爺勢燄薰灼道路側目一日在都議事金高坐有倪進士後至金曰老倪來遲無坐位惟門檻可坐耳倪銜之會金歸里倪爲蘇州府推

官濫任卽收金下獄時搢紳援救者羣集倪遲疑問幕友以
人在人情在告意遂決是夜斃金於獄倪懼禍棄官去初金
無子叩於乩乩判云莫嫌身後無兒子自有人兒來送終至
是乃驗

順治乙酉夏五月初九日 大兵渡江而南宏光帝如靖南伯
黃得功營二十六日安撫黃家鼎至蘇州索投順冊巡撫霍
達巡按周元泰知府陳師泰同知王文輔推官萬適長洲知
縣李實吳縣知縣吳夢白等俱遁六月初四日 大兵入閩
門閩六月十二日郡中下薙髮之令長洲諸生陸世鑰字兆
魚起兵於陳湖召募鄉勇赴者雲集以白布裹首號曰義師

同時起兵者吳江職方主事吳易中書沈自炳吾鎮長洲諸

生戴之儒又有撫院坐營中軍總兵吳志葵駐兵白蜆江

志葵

初屯黃天蕩後與黃蜚在淞湖爲李成棟所擒

句容令朱議澐駐兵南新湖而太湖

兵以水師總兵黃蜚爲主其他屯聚白保者不可勝紀十三

日郡城亦起兵焚北察院及巡撫公署侍郎李延齡巡撫土

國寶斂兵南園城中大姓各設酒食以犒義兵然兵皆未經

戰陳又無火器守備魯之璵蔣若來並聚衆湖中約期舉事

若來不應之璵獨率千餘人入城與大兵戰於南園兵潰

不能支死於葑門廟側陳湖勇士韋志斌亦死焉有朱巨者

朱鷺之孫往太湖說黃蜚諸軍入城救援不聽復遺書促吳

志葵亦不應乃同西山徐雲龍等十六日薄胥門 大兵衝
突而前雲龍斷甲走其弟君達僧景賢皆戰死且亦死之城
中坐誅者幾及萬人先是吳易創城守之議請訓導潘承祚
權領吳江縣事二十二日郡城李侍郎遣兵討之吳江鄉兵
皆驚散易退入太湖承祚被殺居民多死七月易屯水師於
簡村移營梅家柵時浙東有建號者與 大兵相拒於錢塘
江近地如常熟崑山江陰嘉興皆城守不下人懷觀望 大
兵往來官塘易輒遣兵邀擊其零騎又擒殺盜魁數人孝廉
孫兆奎文學趙汝璧率數千艘進圍郡城兵皆烏合不能用
土巡撫登瑞光寺浮圖望之笑曰此易與耳麾騎出則皆走

自炳移營於爛溪之南 大兵追及之赴水死蘇州提督吳
勝兆甫履任卽統兵下陳湖世鑰奔湖州山中之僞等皆降
八月二十一日土巡撫遣兵襲擊易營大破之殺溺死者千
餘人易走免全家殲焉獲兆奎送至督師洪承疇所不屈死
自兩營潰散後士民漸歸城居雜髮如令初鄉兵之起也惟
徵糧巨室不大爲民害嗣後則望屋而食往來盜鈔蜂屯蟻
聚蔓延數百里周瑞張貴陳打生其魁傑也三人有膂力善
用礮聚衆數千人雄據吳江青浦嘉善三邑界湖泊中巡撫
遣將江某往剿之全軍覆沒黠者給瑞以閩中封賞勢益張
久之易被獲於嘉善之丁家墳稍不振之僞說勝兆復爲明

臣以應閩且召鄉兵爲援未幾兵敗而死勝兆亦爲麾下所縛巡撫使人誘瑞等降之尋斬於市其黨錢大等猶出沒爲害數年方息吳人兵燹之禍至此而極焉

江澤村有周姓者兄弟行居四習宰夫業了無他能惟善作羹湯人以是稱之曰周湯四湯四亦遂自名也崇禎末水鄉多盜湯四集數十百人以守禦國初吳易舉兵湯四入其軍後不知所終

順治丁亥三月有虎至鎮中全功橋北居民驚避守巡兵祁姓射殺之事載元和吳江兩縣志

順治間南湖有大蚌孕一明珠一日亭午龍下吸盡湖水蚌口

割然而開珠卽攫去時日光與珠光相照耀觀者迷目頃之湖水如故按五雜組載陳湖旁有巨潭中產老蚌其大如船一日張口灘畔有浣衣婦以爲沈船也蹴之蚌閉口而沒婦爲驚仆嘗有龍來取其珠蚌與鬪三晝夜風濤大作龍爪蚌於空中高數丈復墜竟無如之何景泰七年冬河冰盡合蚌自湖西南而出冰皆摧壅兩岸如積雪然以後遂不知所之矣與此相類

戴星歸榜姓吳名悅原名之儼順治辛卯舉人父汝義從兄之儒之傑皆名士也星歸生而穎慧業師金人瑞館其家之薰香齋善扶乩汝義爲質其功名乩判云此子以工部終身及

登賢書負性癡狂行多蕩檢大不利於鄉黨時人呼爲戴癡
既而受害者衆控之於祁工部鞠之得實加嚴刑斃於獄年
三十有六所謂工部終身者蓋此也事見戒顯現果隨錄擬
乘詳載之今以其荒誕故刪節焉

康熙庚戌吳中大水道壅相望鎮人徐佃陶天民諸人請賑於
巡撫馬公復在鎮中募米若干按口分給凡三閱月遠近賴
之

鎮東徐生課徒小樓中樓幽僻多怪一日傍晚簷前垂一人足
細小多毛垂至脰際忽大如牛學徒見之共爲大聲疾呼而
隱未幾徐生病歿康熙初年徐氏大廳中元旦有鮮血墜地

自是家遂中落按墜血之異咸豐丁巳附近村鎮多有之皆在屋宇內或數點或一片其色微殷黏膩而腥金澤鎮最多一人露坐乘涼脫其鞋旁置一豆盆及穿鞋血滿其中盆內亦有之他處皆無陸氏牀褥間血點斑斑幾徧而帳頂如故其後金澤被賊竄擾焚燬殆盡又咸豐初上海城內豆腐店水溝中血湧如泉旋有小禁子踞城之變大抵皆不祥兆也澄虛道院奉眞武神頗靈顯院鄰某姓侵僭院基道士不敢較康熙辛酉白日火焚有楊姓女見一神坐殿脊紅袍金冠手傾葫蘆中火頃刻鄰宅成燼道院僅一牆之隔不毀片瓦急水港石橋屢建不成所遺磐石泛入河心青苔尺餘久而爲

怪每風雨輒起觸舟舟行至此或先致祭後相傳此石從澗
山湖出海云又全福寺浜口小橋塊有二石叩之聲如鐘磬
後爲人易去

東莊地西之官衙長二三十步康熙戊辰馬氏女忽見一婦人
身不盈尺衣皂色花衫手執緯車過街口女異而逐之婦人
卽入陰溝內窺之深而明房屋器用儼如富家婦人端坐其
中毫不措意鎮人羣往觀焉或見其在厨下紡紗旁一小兒
手弄泥孩觀者易一人輒變一境而婦人未嘗不在尋以水
注之內漸暗怪亦遂絕後百七八十年而有唐氏郁氏之事
唐氏居後港福洪橋東同治甲子春正月其家適婚期賓朋

滿座忽旁室中坐一老人衣六品服白頂暖帽一小兒侍立
良久始滅明日又見一女子偕一小兒在焉又明日鑄其戶
家人竊從窗隙窺之見一老人坐其中諦視之又爲老僧後
竟不復見亦無他恙郁氏者與唐氏所居間一港辛未秋有
妖物附竈神爲異近地竈神皆以紅紙印畫神像折疊爲之
高不盈尺郁氏竈神一日自竈而躍於地自地而升於屋時
值大風竈神巍峙屋巔不爲動梯而取下之轉瞬又在屋巔
矣中本空竈以糯米赤豆等辟邪之物而其行動如故自是
以後或架香爐於燈檠上或懸釜鐺於梁棟間第拜禱之則
諸物皆還於舊所乃掃一室奉之日供飲食遂安然稍不恭

卽作祟故至今弗懈越數年延及鄰近陳氏油坊有一夕而
火警數見者追撲之僅稻草一束燃爲灰燼耳因亦供奉如
郝氏云

鎮西固圍盛姓多財好勇康熙壬申謀佔鄰人房屋誣陷繫獄
賄通邑令揚言將置之死地鄰母懼遂縊死令來鎮檢驗盛
復質絲賄屬令欲枉法鎮人不平羣起喧譁爭擲以瓦礫令
遁去草草結案未幾令以貪墨去官客死郡城盛亦子孫蕭
索矣

馮三才字兼之號贊庵又稱識一道人自幼嗜學通周髀焦贛
之術兼精醫管於崑山紳士家療疾極爲雲間李士材所賞

識又嘗以會計佐青浦縣幕因其罵世猖狂豪吟縱飲不合於時所著有隸首別傳算法三卷詩文三昧一卷晚年境益困遂病狂取四書朱註及楞嚴經刪改未幾并生平著作盡焚之康熙壬午夏五月晨起題壁云五月初六先生自縛不道一生魔結局兒女林啼哭遂自縊死

康熙丁亥十月四日午刻河水驟漲尺餘維舟之纜盡自斷少頃卽退如故時池潭缸甕之中水皆同溢同退亦一異也咸豐甲寅十一月五日水亦驟漲與茲無二

康熙戊戌十月有人於肆中購一鶩蛋破之其中復有一鴨蛋再破之黃白如故同治壬戌三月蕭莊村陳姓畜一雞重約

二幼生蟹大如鷺蟹殼白色異而破之黃畔復有一紫殼雞
蟹連生五枚皆然時支潢浜人家哺雞一窠中有一小雞毛
倍黃而能啼皆物怪也

王勝膂力過人無賴棍徒也康熙辛丑三月二十日姦事敗露
鎮人羣起毆之斃於清遠庵前并焚其屍有好事者首告邑
令時令爲咸甯蔣公丕琮來鎮檢驗鎮人惶恐沈孝廉作霖
詣白其事蔣公廉勝惡迹詳憲結案鎮人德之設蔣公長生
位於清遠庵勝妻朱氏蘇家港儒家女父母早歿適勝逾月
卽遭此禍哭盡哀未幾自縊死又乾隆辛卯土棍俞七陳大
等爲暴於鎮戴惟瑛控之邑令林公宏德林公治以流徒等

罪鎮人亦設林公長生位於萬福庵至今奉之林公順天府
山縣人

世傳荆駝佚史一書乃叢抄明季及國初諸名人記載遺事

自三朝野紀至平臺紀畧總五十種四十八冊序目稱陳湖

逸士編而姓氏無攷蓋近地人也然讀其序見此書之所由

得有足異者爰詳錄之序曰無夢園者明宮詹陳文莊公之

別墅也

按公名仁錫
大姚村人

其址在葑門東道橋之南中有荷池數

畝饒有園亭之趣竹石之佳柳暗花明之勝致足樂也是時

公嘗與周忠介文文肅姚文毅日相唱和於其間園故爲陳

氏世居家多藏書所刻書籍碑板多繫以無夢園者公故有

無夢園文集行於世聞諸故老傳云書板多藏於茲園之四
飛閣上迨入我朝卉木廢湖石圯頽垣零落已成荒園矣
卽書籍碑板亦散失不復存壬癸之交予寓居於園之水閣
做廬數椽足蔽風雨晝耕夜誦人事都絕庭陰有枯松一株
雖枝幹蜿蜒而蕭然無復生意命人剷而去之不數尺下有
石板叩之鏗然有聲啟視之得銅櫃一枚不敢輕褻疑其中
有異物藏焉再拜稽手而開之無他乃殘書一束耳字迹潦
草復多漫漶讀書之暇挑燈細閱俱係故國遺聞約有數十
種不忍散棄爰錄而存之用昭勸懲以備正史所未逮可與
天寶遺事並垂不朽哀帙旣成名之曰荆駝逸史藏之巾箱

以俟世之鴻博君子採擇庶不負予之一片苦心爾是爲序
又有熙朝新語者題曰古歛余金德水輯而前輩傳聞謂
鎮人徐錫齡所作藏名爲余金其書十六卷嘉慶戊寅郡人
翁子敬付諸梓而序之以爲得之武昌市肆中且稱其多采
前人著述無一臆撰訛傳之語又旁蒐軼事發潛闡幽凡登
臨耳目所經巷議街談所及自國初至今二百年來有關
於政事文章人心風俗者靡不具載云蓋當時文網綦嚴往
往有以著書獲戾者故不敢自書其名附記於此以備攷
康熙間鎮中市西張姓築室掘土見一古棺啟之屍似胡姬佩
寶劍一口面色如生張懼掩蓋之如故或云宋南渡時金人

過境歿而瘞此

雍正甲辰清明節朱姓醃臘店黃昏理錢得雍正錢一枚較他錢爲大不能入貫檢出示人方觀玩間錢忽搖動如銅錫出爐之狀須臾碎破乃紙錢灰也

瑞福庵有老尼姓姚人稱姚師姑生平善誘人財物其俗家一姪沾其惠以致小康老尼死後見夢於其姪曰吾因孽報罰作白牛今在廟北之湯氏油坊勞苦異常若能贖吾養以終身彼此獲福晨起往觀果有白色牝牛呼之曰姚師姑昂首若應凡有呼之者無不皆然其姪吝於財不從其言未幾家亦衰微

桃花庵僧了然杭州人自言十五六歲時每夜夢人引入山林中多異僧教之誦經覺後輒能記憶既而私一婦人遂不復夢家遭回祿妻女相繼歿復患目疾將盲乃出家爲僧云了然勤於禮誦冬夏不輟自奉甚儉有沈姓者衣以絮袍翼口見乞人露體解而衣之陶天民欽其苦行爲製棉衣鞋帽贈之晚年設關於通衢矢志叩募欲以重新殿宇竟齋志而歿雍正癸丑三月米價昂貴小民艱食鎮中徐鑰陶剛惠陳琬章費夏時陶琳章騰龍諸人募米施粥設局永慶庵先期具呈邑令李公世金翼日李公親臨粥局大加褒獎給俗厚風瀆額歷四十日而畢剛惠爲撰碑文附載祠廟

陳與常名再秉性正直教授生徒多所成就乾隆己未九月卒
明年五月有東洞庭山人販賣果實泊舟後港問此間有長
洲縣秀才陳再否適陶仙感在旁詢其故曰東山有土地神
最靈顯神之到任去任必託夢於廟祝今陳公爲之四月初
巳蒞任矣其後仙感有事至山問諸廟中人果信

鎮南善灣村唐氏有舊宅閉不居乾隆甲戌忽聞室中有聲窺
之有巾服者有倩妝者啟戶視之無有也聞其言不解惟一
妾能辨之曰我實狐也暫寄孳於此室不敢相擾幸勿驚疑
唐氏故多藏書時告言乞假畢則送還無誤久之告以有事
當出門廝役預飭戒矣然自後漸爲患或奪小兒物或揭字

畫懸簷間甚或拋擲瓦礫污穢以恐人唐憾焉及其歸也斥
言之未幾告曰奴子作狡獪今已殺之視其庭血滿盎且曰
前我所以出者奉城隍神檄辦人口冊今事畢我亦從此去
矣後遂寂然明年大饑繼以大疫人多死所謂人口冊者或
指此也

乾隆乙亥春霖雨傷麥夏六月大旱蝗蝻傷稼至秋苗尚有秀
實者又爲狂風所折致成大饑是歲冬杪至明年春初每夜
四野有燈火光隱隱見巨艦什伯成羣帆檣林立如兵旅潛
行微聞人馬之聲居人驚以爲盜殷實之家往往集勇壯備
軍器以守禦或遷避城中南湖一帶火光尤盛日間則杳然

無迹故老云康熙初亦有之開印後便息乃陰祟也果如其言丙子春夏之交疫癘大作死者枕藉按吳中雜志載萬曆戊子四月見於王墓村朝天湖云是瘟部神放水燈後乃大疫與此同

乾隆丙子春米價騰貴民間乏食樹皮草根皆盡上方

卽楞伽山諸

山忽生嫩石色白而質軟狀似伏苓磨粉調服或作餅餌可以充飢遠近賴之名之曰觀音粉至秋成後此石遂堅不可食

乾隆乙巳夏大旱蘇松低區尚可戽水灌田常鎮諸郡率皆無禾於是飢民絡繹而來大憲籌賑蘇城各門設局施粥人衆

相擠以踐踏死者日數人或十餘人散在鄉鎮者亦什伯爲羣紛紛求食謂之喫白飯明年夏米價愈貴死亡者愈多矣乾隆甲寅四五月間鎮中大疫初起寒熱四五日後神魂失據染其氣者輒病或一人病而全家俱病親友幾不敢臨視日有死者多則七八人病者過旬日乃得痊是時龍鬬於空中風雨驟至晝晦洞庭山麓民房掀圯無算歷死多人

我吳自湯文正公毀除上方山五通神像淫祀遂絕乾嘉以來此風漸熾鄉里姦巫往往託爲妖言以惑衆有陳三姑娘者鎮南之鄉人因犯淫其父怒而沈諸宗家蕩未耕年所狎十七人皆死同爲厲鬼人病詣卜輒云三姑爲祟三四十里間

謹事之且繪其像以鬻於市金澤張堰等處並有其廟每歲三四月廟中香火如繁星艤舟者至不能容人趾相錯於途而平時以牲帛酬神者尤無算金澤三姑廟旁又有楊爺廟與三姑相若亦爲世俗所崇奉同治壬申夏五月應方伯寶時命青浦令毀其像封其廟并及三姑然居民逐什一者因廟祀以爲利故未幾卽復振近一二十年間又有莊家圩神者在鎮西南三白蕩濱之莊家圩村瀕水立廟奉像其中神不知其爲何姓名而遠近爭傳其異謂夜嘗有火光入廟爲廟祝者不敢寢於廟中寢則比寤而身已在廟外臨卧水濱一轉側將溺矣因是求嗣者求利者求醫藥者甚有士人而

往求科名者香火牲帛之盛無日無之得一效則酬神之家
或迎神以歸侈陳鼓樂酒食而祀之盡日乃畢以爲敬初僅
一神不足以給衆人之迎遂增塑其像故迄今髣髴者有六
七神焉而廟中猶時有無神之日廟祝皆村中人輪流爲之
爲其獲厚利也此皆淫祠之繼五通而滋萌者

嘉慶丙辰正月丙辰丁巳兩日大風雪寒甚百年來所未有也
途人或至凍死草木傷敗冰堅厚旬日始解是歲無菽麥

嘉慶甲子夏五月淫雨大水害稼積久不退與乾隆己丑同時
米價驟貴人情洶湧爭向富家劫奪米穀城中及村鎮皆然
憲諭嚴禁令各處平糶乃止前一歲冬有黑星隕於地自西

北至東南除夕毒霧漫天惡臭難聞皆不祥兆也

嘉慶丙寅七月十三日日正午天忽雷震鎮北大王廟側擊死一人一牛傷一人觀者爭集問傷者知爲張姓東投氣村人擊死者其弟也弟方在船食霹靂聲過已跪岸上死矣其人傷頗劇問其作何陰謀且曰不言傷將不支乃曰族中有小康者祇父子二人弟種其田并借其錢以買牛前日謀欲酖之則田租與錢可不償更當嗣入爲後余不之禁不意昨已購毒藥故遭此天譴也後光緒壬午二月二十三日鎮西張家浜村又有雷擊衣工夫婦事衣工潘松濤年四十許一老母與弟同居不相顧問婦素虐嘗詬誅姑謂其鍾愛少子是

夜夫婦同震死於房中及明鄰人怪之始排闥入見潘卧地婦猶跪牀前潘右腦角一洞左足底亦一洞并鞞燬焉胸前有朱紋一方縱橫若鳥篆印章婦則眉鼻及乳皆如剗去衣盡燬徧體炮烙洞其膂臟腑欲墮舉鎮往觀者甚衆見其白砒尚在不知其欲毒母與弟否也類附於此以示戒

嘉慶甲戌大旱自五月至七月不雨地生白毛或五色山麓高田苗盡槁近鎮數十里地卑下多水得成熟冬間米價貴鄉農穫其利乙亥春初陰雨連綿每夜有鬼火出沒湖蕩間俗謂之陰兵四鄉鳴鉦火槍聲不絕時江北飢民絡繹而來人心不安至麥秋乃定咸豐丙辰五六月間旱地亦生五色毛

褚天一字謙益身不及中人而語音洪亮充元和縣捕役善捕盜髣髴唯亭之張小舍也有竊盜陳在賢者能在水底行伏數日尋捕獲訊以贖所在則指爲某處水中因以鐵索鎖之令入水久不起牽之其索移鎖於木椿人已遠遁於是案積重重莫能得其蹤蹟天一設法獲之名乃大善凡有巨案命天一捕之無不破者府縣官皆信重焉後臬憲令充經制差頭飭往安徽查案歸賞以袍褂黎里捕盜同知蒯嘉珍感其獲贓爲懸司疏有方額天一嘗稟邑令曰盜賊聞緝捕急潛伏不出或竟遠颺若得酒市博場喧鬧之所此輩畢至察而捕之甚易也令頷之乃於鎮中招集妓船演花鼓戲藉博直

以作經費秋間鬪蟋蟀三月杪又演劇於東嶽廟旁架松毛爲棚榻以桁木上可蔽風日下可止擁擠觀者雲集不遠百里而來自嘉慶中葉至道光初年習以爲常

道光辛巳六七月間江浙大疫初起足麻屈不能伸名爲腳麻痧又名弔腳痧患此者或吐或瀉驟如霍亂甚至頃刻隕命鎮中死者日數人

道光癸未淫雨自三月至五月水大漲六月甲辰大雨雹積水漸退七月戊辰甲戌兩日風狂甚雨大如注水視四五月更漲尺餘漂沒田廬屍棺無算百年來未有之災也江蘇被災者二十三州縣 聖恩先給極貧災黎一月口糧動碾常平

倉穀減價平糶復發 帑銀百萬分別賑卹自院司以下皆
捐廉助賑迨甲申春大憲諭各鄉董勸捐分辦土賑人心乃
定

近村一農薙草田間遇一毒蛇擊斷其尾旋逸去歸家夜寢聞
門外犬聲甚喧疑爲竊盜急起出視其犬直入卧所力與蛇
鬪良久燭之見斷尾蛇斃於牀下進士沈超然異其事作詩
紀之

道光辛卯五月淫雨水漲遠近皆築岸以障田六月中寒涼異
常九十月積水不退農人多踏冰刈稻收斂不及豐年之半
淮揚數郡被灾尤甚癸巳春秋多陰雨入冬無一日開霽木

棉全荒田禾狼戾遂致歉收是歲各省皆荒甲午春人多乏食巡撫林文忠公率屬捐廉並多方勸捐發賑及麥熟乃止道光戊戌除夕雷電大雨八九十老人驚爲未見傳聞鎮南有兄弟三人弟遊蕩兩兄欲置之死告其父父躊躇未決兩兄竟欲俟弟之睡而假手焉忽雷電環繞其室父大聲呵禁兩兄亦懼而伏罪俱得無恙

道光壬寅夏五月夷兵至上海江南提督陳忠愍公化成在吳淞口築礮臺防禦松江青浦避地來鎮者相繼時有兵船過鎮詢之知陳公於初八日殉難上海城空旣而蘇人以破柱船堵塞上急水港鎮中惶恐各處盜賊充斥商旅多被劫矣

道光己酉閏四月霖雨三旬不止河水泛濫居民朝夕數遷甚
至以船爲家鎮中街衢積水深者可以蕩舟視癸未之水加
尺許時二麥甫收猝經淹漬因多朽腐秧田亦漂沒殆盡巡
撫傅公飛章入 告請發帑賑卹又恐迫不及待乃集議勸
捐先舉義賑悉由紳董辦理時蘇藩司所屬被災州縣三十
有五長元和三縣設局郡城隍廟自八月至明年四月初
十止總捐錢四十二萬餘串益以 帑銀十一萬九千兩周
莊厥計放義賑 恩賑展賑等錢一萬七千餘串所賑者四
十四箇五千七百五十一戶大口一萬四百有奇小口四千
二百有奇而陳墓鎮之屬元和者附焉二鎮捐輸錢一千三

百餘串

咸豐癸丑正月陸制軍建瀛兵潰廣濟退保江寧於是九江安慶先後失守蘇城戒嚴避地來鎮者甚衆時有江北流民持該縣護照招集多人以逃荒爲名到處索錢米稍不遂意肆行鬪毆鄉人無奈何輒如其所欲與之二月初七日有五六十人至鎮棲宿全福寺兩當舖已許錢二十八千復至葉氏醬園索錢十千未應羣譟而前店夥避去遂直入內室洞牆垣毀什物勢甚洶湧鎮人鳴鑼集衆與之對敵其婦女兒童亦皆奮勇相持兩時許始遁回全福寺旣而費都司秀元出爲備船渡往他處未幾江寧城陷鎮中公請費都司設立巡

防局招募勇丁保衛鄉里

粵賊之陷江甯也蘇城人益聞風遷避吾鎮備居無隙宇幸向忠武公榮率師踵賊後駐孝陵衛以扼之人心乃稍定時在癸丑二月至八月而青浦有周立春之亂踞其城并及嘉定上海有小禁子之亂亦踞其城松郡避難者復紛紛至鎮是時吉勇烈公爾杭阿爲臬司卽帶兵克復青浦嘉定二城誅周立春甲寅秋朝議以巡撫許公乃釗攻上海城久不克褫職命吉公爲巡撫乙卯元旦復之遂以得勝之兵移營九華山規復鎮江丙辰四月擊江甯援賊於高資力不支向公遣張忠武公國樑馳救已不及吉公殉焉賊乃腐集撲大

營而向公又病踰月大營潰張公突圍保向公出集潰卒守
丹陽賊分途來犯張公勵衆擊卻之 詔以張公幫辦大營
軍務七月向公卒於軍 命江南提督和春代其任由是警
報數至且歲又大旱八月初飛蝗蔽天自北而來集處則田
禾滌滌淮揚諸郡更野無青草民不聊生近地湖蕩中盜蜂
起白晝肆劫無忌憚平郡尊翰乃檄費都司秀元督衆捕之
盜稍止迨丁巳冬張公攻復鎮江城人方引領望安堵詎意
庚申三月猝有大營兵潰張公殉難之變於是蘇常糜爛矣